



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

56. Quòd passio Christi continet omnem perfectionem homini in hac vita possibilem.

[urn:nbn:de:hbz:466:1-50980](#)

uenire: quod nullo modo potest dici bonum.
Omnia hæc sunt accepta à præfato Doctore in
tractatu de diuersis tentationibus diaboli.

QVOMODO DOMINICA PASSIO
*continet in se omnem perfectionem in hac vita
homini possibilem.*

C A P V T LVI.

Sciendum est, quod omnia perfectionis ope-
ra, quæ Redemptor noster docuit in Euäge-
lio, ipse in semetipso in sua passione perfectissi-
mè compleuit. Itaq; in cruce Domini est finis le-
gis, & totius sacræ scripturæ: & in eius passione
est summa totius perfectionis: & in eius morte
est omnis verbi consummatio. Et ideo Aposto-
lus Paulus dicebat: Non iudicau me aliud sci-
re nisi Christum Iesum, & hunc crucifixū. Nam
retinera frater hoc scire est omnia scire: quæ sa-
luti expediunt. Si enim de voluntaria paupertati
loquamur, quis autem pauperior Christo, qui
nudus pependit in cruce, in qua non habuit ubi
reclinaret caput suum? Si de obedientia & hu-
militate: quis aliquando humilior & abiectionis
filio Dei, qui factus est obediens usq; ad mortem,
mortem autem crucis? Si de virginali castitate,
quis castior eo? cuius mater virgo est, & cuius
pater fœminā nescit. Si de charitate loquamur:
quis vñquā maiorem vel tantā charitatem ha-
buit ut Christus, qui animam suā posuit pro a-
amicis suis? Rursum si de patientia: omnis eius
passio excellentissimè hanc demōstrat. Si vero
de contemptu mundi, & à rebus mundanis
elongatione: quis ita alienus à terrenis, sicut

Chri-

Christus in cruce super omnia terrena exaltatus? Si de abstinentia & iejunio & victus in opia, Christus non gustauit in passione sua nisi fel & acetum. Si de corporis castigatior: cuius vñquam corpus extitit castigatus corpore Christi in cruce pendetis? Si de efficacia orationis: quis vñquam Christo efficacius orauit, qui præ attentionis vehementia, guttas sanguineas fudauit? Si de largitione eleemosynarum, & de alijs misericordiæ operibus: quis vñquam largorem impendit eleemosynam quam idem Dominus, qui corpus suum in cibum & sanguinem suum in potum nobis pauperibus in perpetuam eleemosynam dedit? Visitauit rursum infirmos: quando infirma discipulorum corda roborauit, & complures infirmos curauit: & captiuos lymbi redemit. Mortuos à monumentis resuscitauit. Sed & si de dilectione inimicorum loquimur, in cruce pendens pro suis crucifixoribus orauit.

Si de iniuriarum remissione: quis libentius aliquando dimisit debita suis debitoribus, qui latroni non solùm peccata dimisit, sed etiam Paradisum promisit? Et similiter de alijs operibus similibus discurrendo per singula opera supererogationis: quæ omnia in passione Christi si diligenter attendimus, inueniemus supereroganter impleta. quæ etiam nos si cupimus Christum perfectè imitari, debemus adimplere vel opere, vel saltē desiderio; & illa inspirare & ad exemplum eorum operari: ut fiat illud quod in Exodo Dominus dicit: Inspice, & fac secundūm exemplar, quod tibi in monte

monstratum est. Et cum Redemptor noster in multis sacræ scripturæ locis, mons propter altitudinem suæ excellentissimæ perfectionis dicitur, præcipue tamen dicitur mons in cruce exaltatus propter eminētiā merendi suæ sacra-tissimæ passionis. In hoc igitur monte, id est Christo crucifixo exemplum nobis monstratum est: ut diligenter & attentè illud inspiciamus, & efficaciter imitemur. Intuere ergo per visceralem compassionem exemplar Domini-cæ passionis, in te eam incorporando, & efficacius imitando. Vnde sciendum est, quod si omnia quæ Christus in hoc mundo pro nobis passus est, vellemus referre, essent innumerabilia; neq; totus mundus posset capere, qui de eis scribendi essent libri, ut dicit beatus Ioannes in fine sui Euangeli. Quia igitur omnia Saluatoris nostri scribere gesta minimè valemus, eius saltem gloriosissimam passionem morosè & deuotè contemplari assiduè conemur.

QVOD PASSIO DOMINI SEX MO-
dis est meditanda.

C A P V T L V I I .

Circa passionem Domini hoc modo se habere potest vir deuotus, & contemplati-uus. Primo contemplando eam ad imitandum. Secundo ad compatiendum. Tertio ad admirandum. Quarto ad exultandum. Quinto ad resoluendum. Sexto ad quiescendum. Primo dico quod debemus passionem Domini contemplari ad imitandum, eo quod ipsa est altissima & perfectissima Christiana imitatio: & al-

tissi-